

11. Að fyrirbyggja eða minnka tjón af völdum bruna. Ráð og leiðbeiningar.

Eftirfarandi ber fyrst og fremst að líta á sem ráð og leiðbeiningar en ekki tvímæla-lausa ábyrgð eða skyldu. Skýrt skal tekið fram að slökkviliðið (slökkviliðsstjóri) tekur við allri stjórn á brunastað þegar það kemur á vettvang og venjulega einnig á aðgerðum til björgunar verðmæta eftir bruna. Það sem hér er sagt á því einkum við um slökkvistarf og björgunaraðgerðir starfsmanna fyrirtækis eða stofnunar áður en slökkviliðið tekur við stjórn og síðan eftir að það er farið af vettvangi og hefur látið af stjórn. Sömuleiðis á það einkum við um stórframleiðslu- og iðnfyrirtæki eða vörugeymsluhús, en getur að sjálfsögðu einnig átt við um annað atvinnuhúsnæði eftir atvikum.

Hafa skal fullt samráð við lögreglufirvöld og Brunamálastofnun ríkisins um allar aðgerðir á brunastað vegna hugsanlegrar lögreglurannsóknar eða brunarannsóknar eftir brunann. Ef slíkt samráð er vanrækt getur verið hætt á að mikilvægum vís-bendingum eða öðrum sönnunargögnum verði spilt.

Eftirfarandi ber að hafa í huga:

- Að eigendur og forráðamenn mannvirkja geri sér ljósa þá skyldu að bjarga verð-mætum eftir bruna eftir því sem kostur er.
- Að hafa yfirbreiðslur, færanlegan ljósabúnað með rafhlöðum, ryðvarnarolíu og búnað til að ná upp vatni af gólfi tiltækt eða vita hvert skal leita eftir slíkri aðstoð.
- Að stafla viðkvæmum vörum ekki á gólf, heldur t.d. á palla, einkum á neðstu hæð eða kjallara.
- Að hafa ekki plastefni eða annan slíkan varning, sem gefur frá sér tærandi eða eitrandan reyk í bruna, innan um viðkvæmar eða verðmætar vörur eða tæki, ef unnt er að komast hjá slíku.
- Að sjá til þess að framleiðslusalir, vörugeymslur og önnur slík rými hafi fullnægjandi niðurföll í gólfi og að hægt sé að koma við reyrkræstingu strax eftir bruna.
- Að nota ekki meira vatn við slökkvistarf en nauðsyn krefur og fjarlægja vatn af gólfi eins fljótt og mögulegt er eftir bruna. Í því sambandi ber t.d. að huga að því að gólfniðurföll séu ekki stífluð.
- Að reyrkræsta vel eftir bruna og þurrka og hita upp húsnæðið.
- Að huga strax að vélum og tækjum, m.a. hvort þau hafi blotnað, og æskilegt er t.d. að smyrja þau með olíum sem hrinda frá sér vatni.
- Að huga sérstaklega að viðkvæmum og verðmætum vélum, búnaði og vörum og breiða yfir eða flytja á brott ef mögulegt er.
- Ef hætt er á tæringu eftir bruna í plasti (t.d. PVC), ber að leita eftir aðstoð hjá fyrirtækjum sem sérhæfa sig í björgun verðmæta eftir bruna.
- Að gera ráðstafanir til að hindra óviðkomandi umferð í húsi eftir bruna.

REGLUGERÐ

**um breyting á reglugerð nr. 251/1992, um tollfrjálsan farangur
ferðamanna og farmanna við komu frá útlöndum,
einkasölugjald o.fl., ásamt síðari breytingum.**

1. gr.

Eftirfarandi breytingar verða á 1. gr. reglugerðarinnar:

a. Í stað krónutölunnar 32.000 í 1. málslíð 1. mgr. kemur: 36.000 kr.

- b. Í stað krónutölunnar 16.000 í 2. málslið 1. mgr. kemur: 18.000 kr.
 c. Í stað krónutölunnar 12.000 í 1. málslið 2. mgr. kemur: 13.000 kr.
 d. Í stað krónutölunnar 24.000 í 1. málslið 2. mgr. kemur: 26.000 kr.
 e. Í stað krónutölunnar 12.000 í 2. málslið 2. mgr. kemur: 13.000 kr.

2. gr.

Ákvæði 1. mgr. 2. gr. A. reglugerðarinnar hljóðar svo:

Auk varnings samkvæmt 1. gr. er ferðamönnum og áhöfnum heimilt að hafa meðferðis án greiðslu aðflutningsgjalda áfenga drykki sem hér segir:

		Áfengi 22-50% að styrkleika	Áfengi undir 22% styrkleika	Öl
1. Ferðamenn		1,0 l	1,0 l	Ekkert
	eða	1,0 l	Ekkert	6 l
	eða	Ekkert	1,0 l	6 l
	eða	Ekkert	2,0 l	Ekkert
2. Skipverjar á íslenskum skipum og erlendum skipum í leigu íslenskra aðila og með íslenskum áhöfnum sem eru 15 daga eða lengur í ferð		1,5 l	3,0 l	Ekkert
	eða	1,5 l	Ekkert	24 l
3. Skipverjar á skipum samkvæmt 2. tl. þessarar greinar sem eru skemur en 15 daga í ferð		0,75 l	1,5 l	Ekkert
	eða	0,75 l	Ekkert	12 l
4. Flugáhafnir (þ.m.t. aukaáhafnir), sem hafa skemmri útivist en 15 daga		0,375 l	0,75 l	Ekkert
	eða	0,375 l	Ekkert	3 l
	eða	Ekkert	0,75 l	3 l
5. Flugáhafnir, (þ.m.t. aukaáhafnir), á ís- lenskum flugvélum sem hafa 15 daga samfellda útivist eða lengri		1,0 l	0,75 l	Ekkert
	eða	1,0 l	Ekkert	6 l
	eða	Ekkert	0,75 l	6 l

3. gr.

Reglugerð þessi, er sett samkvæmt heimild í 20. tl. 6. gr. tollalaga nr. 55 30. mars 1987, með áorðnum breytingum, og 3. mgr. 1. gr. laga nr. 63 28. maí 1969, um verslun ríkisins með áfengi, tóbak og lyf, með áorðnum breytingum, til þess að öðlast gildi þann 1. júní 1994.

Fjármálaráðuneytið, 11. apríl 1994.

F. h. r.

Snorri Olsen.

Margrét Gunnlaugsdóttir.